



**PRAVILNIK
O JAVNIM VLASTITIM PRIHODIMA
UNIVERZITETA U SARAJEVU**

Sarajevo, decembar 2023. godine



UNIVERZITET U SARAJEVU

**PRAVILNIK
O JAVNIM VLASTITIM PRIHODIMA
UNIVERZITETA U SARAJEVU**

Sarajevo, decembar 2023. godine

Pravilnik o javnim vlastitim prihodima Univerziteta u Sarajevu - 2

SADRŽAJ

DIO PRVI - OSNOVNE ODREDBE.....	4
DIO DRUGI - STICANJE I NAMJENA VLASTITIH PRIHODA.....	5
DIO TREĆI – ZAVRŠNE ODREDBE.....	8

Na osnovu člana 59., a u vezi sa članom 27. stav (6) Zakona o visokom obrazovanju („Službene novine Kantona Sarajevo“, broj 36/22), člana 9. Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije Bosne i Hercegovine“, broj 104/22), člana 60. i člana 132., a u vezi sa članom 288. Statuta Univerziteta u Sarajevu, uz prethodno Mišljenje Ministarstva finansija Kantona Sarajevo, broj: 08-11-31467-7/23 od 21. 11. 2023. godine, Mišljenje Odbora za normativna pitanja Univerziteta u Sarajevu, broj: 0105-12577-2/23 od 08. 12. 2023. godine i Mišljenje Odbora za finansije Univerziteta u Sarajevu, broj: 0105-12631/23 od 08. 12. 2023. godine, Upravni odbor Univerziteta u Sarajevu na svojoj 21. vanrednoj sjednici održanoj elektronskim putem 11. 12. 2023. godine, je *donio*

**PRAVILNIK
O JAVNIM VLASTITIM PRIHODIMA
UNIVERZITETA U SARAJEVU**

DIO PRVI - OSNOVNE ODREDBE

Član 1.

(Predmet Pravilnika)

Pravilnikom o javnim vlastitim prihodima Univerziteta u Sarajevu (u daljem tekstu: Pravilnik) se utvrđuju vrste vlastitih javnih prihoda koje Univerzitet u Sarajevu (u daljem tekstu: Univerzitet) i njegove članice u sastavu ostvaruju, pravna osnova ostvarivanja, te namjena javnih vlastitih prihoda koje Univerzitet i članice ostvaruju obavljanjem svoje registrirane djelatnosti, a koje se ne finansiraju iz sredstava Budžeta Kantona Sarajevo (u daljem tekstu: Budžet).

Član 2.

(Javni vlastiti prihodi)

- (1) Pod javnim vlastitim prihodima (u daljem tekstu: javni vlastiti prihodi) podrazumijevaju se prihodi koje Univerzitet i članice ostvare u skladu odredbama člana 25. i 27. Zakona o visokom obrazovanju („Službene novine Kantona Sarajevo, broj 36/22) - (u daljem tekstu: Zakon), Pravilnikom o vrstama vlastitih javnih prihoda u Federaciji Bosne i Hercegovine („Službene novine Federacije BiH“, broj 104/22), Pravilnikom o izmjenama i dopunama pravilnika o načinu uplate, pripadnosti i raspodjele javnih prihoda u Federaciji Bosne i Hercegovine („Službene novine Federacije BiH“, broj 37/23), odnosno u skladu sa odredbama relevantnih propisa koji su na snazi i koji reguliraju ovu oblast, obavljanjem svoje registrirane djelatnosti, kao i ostalih poslova na tržištu.
- (2) Javni vlastiti prihodi koje ostvari Univerzitet i članice uplaćuju se na Jedinствeni račun trezora Kantona Sarajevo, a koriste se u skladu sa Pravilnikom o korištenju vlastitih prihoda Univerziteta u Sarajevu i drugim općim aktima Univerziteta.

Član 3.

(Uplate, evidentiranje i razgraničenje javnih vlastitih prihoda)

- (1) Uplate javnih vlastitih prihoda uplaćuju se na Jedinostveni račun Trezora Kantona Sarajevo, u skladu sa Pravilnikom o načinu uplate javnih prihoda budžeta i vanbudžetskih fondova na teritoriji Federacije BiH i predstavljaju prihode Univerziteta, odnosno članica koje su prihod ostvarile.
- (2) U skladu sa zakonom o izvršavanju Budžeta Kantona Sarajevo, javni vlastiti prihodi koje ostvari Univerzitet i njegove članice, mogu se prenijeti/razgraničiti u naredne tri fiskalne godine, što se vrši se u skladu sa odredbama relevantnih propisa kojima se uređuje ova oblast.
- (3) Javne vlastite prihode uplaćene za sticanje naučnog stepena doktora nauka, prihode od naučnoistraživačkog rada fakulteta, prihode od projekata/programa, te prihode od specijalizacija i druge prihode/izvore za koje su ugovori zaključeni na duži period, članice Univerziteta koje su prihod ostvarile mogu prenijeti/razgraničiti na duži period, u skladu sa odredbama relevantnih propisa kojima se uređuje ova oblast.
- (4) Ostvareni, a nerazgraničeni iznosi ne mogu se naknadno razgraničiti i postaju sastavni dio javnih prihoda budžeta Kantona Sarajevo.

DIO DRUGI - STICANJE I NAMJENA VLASTITIH PRIHODA

Član 4.

(Vrste javnih vlastitih prihoda)

(1) Vrste javnih vlastitih prihoda koje ostvaruje Univerzitet i članice Univerziteta su:

R.br.	Naziv prihoda	Vrsta prihoda
1.	<i>Vlastiti javni prihodi od iznajmljivanja zemljišta</i> (prihodi od izdavanja i korištenja imovine, ovisno od oblika imovine Univerziteta/članice; te drugi prihodi u okviru ove vrste javnih vlastitih prihoda)	722641
2.	<i>Vlastiti prihodi od iznajmljivanja poslovnih prostora</i> (prihodi od izdavanja i korištenja imovine, ovisno od oblika imovine Univerziteta/članice; te drugi prihodi u okviru ove vrste javnih vlastitih prihoda)	722642
3.	<i>Vlastiti prihodi od iznajmljivanja drugih nepokretnosti</i> (prihodi od izdavanja i korištenja imovine, ovisno od oblika imovine Univerziteta/članice, te drugi prihodi u okviru ove vrste javnih vlastitih prihoda)	722643
4.	<i>Vlastiti prihodi od iznajmljivanja vozila</i> (prihodi od izdavanja i korištenja imovine, ovisno od oblika imovine Univerziteta/članice, te drugi prihodi u okviru ove vrste javnih vlastitih prihoda)	722644
5.	<i>Vlastiti prihodi od iznajmljivanja opreme</i> (prihodi od izdavanja i korištenja imovine, ovisno od oblika imovine Univerziteta/članice; te drugi prihodi u okviru ove vrste javnih vlastitih prihoda)	722645
6.	<i>Vlastiti javni prihodi od prodaje usluga, pristupa i korištenja</i> (prihodi od ostalih djelatnosti prodaje proizvoda i usluga koji su rezultat naučne, umjetničke i stručne djelatnosti (hostinga, domene,	722651

	telekomunikacija i web usluga itd.), ovisno od karaktera prihoda; prihodi od učestvovanja studenata u troškovima studija, ovisno od karaktera prihoda; te drugi prihodi u okviru ove vrste javnih vlastitih prihoda)	
7.	<i>Vlastiti javni prihodi od realizacije aktivnosti naučno-istraživačkog rada, izrade elaborata, studija, evaluacija, ekvivalencije, ekspertiza i drugih stručnih usluga (prihodi od naučnoistraživačke, umjetničkoistraživačke, naučne, umjetničke, ekspertske-konsultantske i stručno-konsultantske djelatnosti; prihodi od naučnoistraživačkih i umjetničkoistraživačkih projekata; prihodi od stručnih projekata, stručnih ekspertiza, stručnih skupova; prihodi od postupka priznavanja inostranih visokoškolskih kvalifikacija i ekvivalencije javnih isprava; te drugi prihodi u okviru ove vrste javnih vlastitih prihoda)</i>	722652
8.	<i>Vlastiti javni prihodi od realizacije stručno-edukativnih aktivnosti i drugih oblika javnog istupanja (seminari, savjetovanja, okrugli stolovi; prihodi od realizacije kurseva, seminara, mikrokvalifikacija, pripreme nastave, ljetnih/zimskih škola te različitih oblika necikličnog i cjeloživotnog obrazovanja, ovisno od karaktera prihoda; prihodi od realizacije pedagoškog obrazovanja i svih oblika permanentnog obrazovanja; te drugi prihodi u okviru ove vrste javnih vlastitih prihoda)</i>	722653
9.	<i>Vlastiti javni prihodi od oglašavanja proizvoda i usluga</i>	722654
10.	<i>Vlastiti javni prihodi od distribucije i prodaje pisanih, foto i video publikacija i materijala, obrazaca (prihodi od izdavačke djelatnosti; prihodi od učestvovanja studenata u troškovima studija, ovisno od karaktera prihoda; te drugi prihodi u okviru ove vrste javnih vlastitih prihoda)</i>	722655
11.	<i>Vlastiti javni prihodi od pružanja usluga cikličnog obrazovanja, škole u prirodi, produženog boravka u školama, školarina, upisnina i sl. (prihodi od realizacije naučno-nastavnog procesa na III ciklusu studija; prihodi od akademskog, stručnog, specijalističkog, dualnog, interdisciplinarnog, transdisciplinarnog i multidisciplinarnog studija koji se realizuju u okviru Univerziteta samostalno ili sa drugom domaćom ili stranom visokoškolskom ustanovom, institucijom ili poslovnim subjektom; prihodi od učestvovanja studenata u troškovima studija, ovisno od karaktera prihoda; te drugi prihodi u okviru ove vrste javnih vlastitih prihoda)</i>	722656
12.	<i>Vlastiti javni prihodi od prodaje predmeta proizvedenih u radionicama organizovanim radi vršenja obrazovnih, radno-okupacionih aktivnosti i praktične nastave, te promotivnog materijala (prihodi od realizacije kurseva, seminara, mikrokvalifikacija, pripreme nastave, ljetnih/zimskih škola te različitih oblika necikličnog i cjeloživotnog obrazovanja, ovisno od karaktera prihoda; te drugi prihodi u okviru ove vrste javnih vlastitih prihoda)</i>	722657

13.	<p><i>Vlastiti javni prihodi od ostalih aktivnosti</i> (prihodi od autorskih prava, patenata i drugih prava intelektualne svojine; prihodi od tehnoloških centara, programa, projekata i slično; prihodi od realizacije domaćih i međunarodnih programa i projekata, ovisno od karaktera prihoda i oblika ugovornog odnosa; prihodi od ostalih djelatnosti prodaje proizvoda i usluga koji su rezultat naučne, umjetničke i stručne djelatnosti (hostinga, domene, telekomunikacija i web usluga itd.), ovisno od karaktera prihoda; prihodi od pružanja zdravstvenih i stomatoloških usluga i usluga edukativnog zdravstva, te realizacije zdravstvene i veterinarske djelatnosti, odnosno djelatnosti laboratorija, instituta, poliklinika i klinika; prihodi od prodaje otpadnog materijala; prihodi od učestvovanja studenata u troškovima studija, ovisno od karaktera prihoda; prihodi od drugih izvora u skladu sa zakonom i registrovanom djelatnošću; prihodi od ostalih akademskih i naučnih, umjetničkih i istraživačkih aktivnosti u skladu sa djelatnošću koju Univerzitet obavlja kao i ostali prihodi koji nisu obuhvaćeni odredbama Zakona i drugim relevantnim propisima; te drugi prihodi u okviru ove vrste javnih vlastitih prihoda)</p>	722659
-----	--	--------

- (2) Javni vlastiti prihodi iz stava (1) ovog člana koje ostvaruje članice Univerziteta utvrđuje se na način propisan zakonom i drugim relevantnim propisima, te pojedinačnim aktima članice Univerziteta.
- (3) U roku od 30 dana od dana stupanja na snagu ovog Pravilnika, Upravni odbor Univerziteta će donijeti instrukciju/uputstvo o razvrstavanju i načinu uplate javnih vlastitih prihoda Univerziteta/članica iz stava (1) ovog člana, u skladu sa specifičnim karakterom prihoda.

Član 5.

(Osnov za sticanje javnih vlastitih prihoda)

Univerzitet i članice stiču javne vlastite prihode u skladu sa:

- a) Okvirnim zakonom o visokom obrazovanju u Bosni i Hercegovini („Službeni glasnik Bosne i Hercegovine“, broj 59/07 i 59/09) i Zakonom o visokom obrazovanju („Službene novine Kantona Sarajevo“, broj 36/22);
- b) Odlukom Vlade Kantona Sarajevo o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu, broj: 02-05-19288-9/09 od 11. 06. 2009. godine sa pripadajućim izmjenama i dopunama, odnosno odlukama Upravnog odbora Univerziteta u Sarajevu u ovoj oblasti, kao i ostalim relevantnim odlukama Vlade Kantona Sarajevo;
- c) Pravilnikom o vrstama vlastitih javnih prihoda u Federaciji Bosne i Hercegovine i Pravilnikom o izmjenama i dopunama pravilnika o načinu uplate, pripadnosti i raspodjele javnih prihoda u Federaciji Bosne i Hercegovine;
- d) općim aktima Univerziteta u Sarajevu i to: Pravilnikom o finansijskom poslovanju Univerziteta u Sarajevu, Pravilnikom o zakupu poslovnog prostora Univerziteta u Sarajevu, Pravilnikom o kriterijima za rashodovanje, otpis, knjiženje viškova i manjkova stalnih sredstava i sitnog inventara, te javnom nadmetanju putem licitacije i

aukcije Univerziteta u Sarajevu, Pravilnikom o upravljanju intelektualnim vlasništvom Univerziteta u Sarajevu, Pravilnikom o upravljanju projektima na Univerzitetu u Sarajevu, Pravilnikom o izdavačkoj djelatnosti Univerziteta u Sarajevu, ovim Pravilnikom i drugim općim aktima Univerziteta/članica;

- e) sporazumima/ugovorima sa zavodima i ostalim institucijama iz oblasti/djelatnosti zdravstva i veterinarstva;
- f) sporazumima/ugovorima o komercijalizaciji intelektualnih dobara/intelektualnog vlasništva Univerziteta/članica i
- g) drugim relevantnim propisima koji reguliraju predmetnu oblast.

Član 6.

(Namjensko trošenje javnih vlastitih prihoda)

- (1) Javni vlastiti prihodi članice Univerziteta mogu se koristiti za pokriće izdataka nastalih obavljanjem poslova od kojih se ostvaruju javni vlastiti prihodi, a ostatak za tekuće i kapitalne izdatke, te razvoj i unapređenje nastavno-naučnog, umjetničkog i istraživačkog procesa, poboljšanje materijalne i tehničke opremljenosti članice Univerziteta, kao i za ostale troškove koji nisu pokriveni budžetskim sredstvima, u skladu sa Pravilnikom o korištenju vlastitih prihoda Univerziteta, općim aktima Univerziteta i općima aktima članice koji na prijedlog rukovodioca donosi vijeće članice.
- (2) Rukovodilac članice Univerziteta odgovoran je da u skladu sa registrovanom osnovnom djelatnosti, javne vlastite prihode troši namjenski, planski, transparentno, u skladu sa finansijskim planom/budžetom članice, Pravilnikom o korištenju vlastitih prihoda Univerziteta, Pravilnikom o plaćama i naknadama Univerziteta u Sarajevu, Pravilnikom o radu Univerziteta u Sarajevu, ostalim općim aktima Univerziteta, kao i ugovorima/sporazumima, u skladu sa relevantnim propisima.

DIO TREĆI – ZAVRŠNE ODREDBE

Član 7.

(Prihodi/primitci koji nisu predmet ovog Pravilnika)

- (1) Prihode od tekućih transfera, te druge vrste prihoda i primitaka, Univerzitet raspoređuje na način utvrđen Pravilnikom o načinu uplate, pripadnosti i raspodjele javnih prihoda u FBiH.
- (2) Prihode iz stava (1) ovog člana i prihode iz člana 4. ovog Pravilnika, Univerzitet koristi u skladu sa Pravilnikom o korištenju vlastitih prihoda Univerziteta.
- (3) Primitak od prodaje imovine Univerziteta uplaćuju se na Jedinstveni račun trezora Kantona Sarajevo, a u korist Univerziteta u skladu sa zakonskim i podzakonskim propisima koji regulišu ovu oblast.
- (4) U skladu sa posebnom odlukom Vlade Kantona Sarajevo, prihodi od međunarodnih projekata uplaćuju se na depozitni račun za javne prihode Kantona Sarajevo i predstavljaju vlastite prihode članice Univerziteta koje su prihod ostvarile, a koriste se u skladu sa potpisanim sporazumima i ugovorima između Univerziteta/članice i finansijera programa/projekta, te se mogu prenijeti/razgraničiti u naredne tri fiskalne godine, odnosno za period na koliko su zaključni ugovori finansijerom programa/projekta.

Član 8.

(Postupak izmjena i dopuna)

Izmjene i dopune ovog Pravilnika vrše se na način i po postupku za njegovo donošenje.

Član 9.

(Tumačenje Pravilnika)

Tumačenje ovog Pravilnika daje Upravni odbor Univerziteta u Sarajevu.

Član 10.

(Prestanak važenja ranijeg Pravilnika)

Stupanjem na snagu ovog Pravilnika prestaju važiti Pravilnik o korištenju vlastitih prihoda Univerziteta u Sarajevu broj: 02-28-8-1/23 od 23. 11. 2022. godine.

Član 11.

(Stupanje na snagu)

Ovaj Pravilnik stupa na snagu nakon dobivanja saglasnosti od strane Vlade Kantona Sarajevo i objavljuje se na internetskoj stranici Univerziteta.

**PREDSJEDNIK
UPRAVNOG ODBORA**

Dr. sc. Murat Ramadanović



Broj: 02-45-2-1/23

Datum: 11. 12. 2023. godine

Saglasnost Vlade Kantona Sarajevo broj: 02-04-51770-37/23

Datum stupanja na snagu Pravilnika: 14. 12. 2023. godine